

ادبیات عمومی و تجربی

هفته‌ایق سیاسی، علمی و ادبی غزته در

جلد : ۲

سنه : ۲ : ۹ محرم ۱۳۳۶ جمعه ایرتسی ۲۷ تشرین اول ۱۹۱۷ نوامبر ۸ — ۳۹

اجمال فکر

بهره فکریمز — رای نیسویه —

بو اوفق رساله ویا مقاله لری عددی اوچی بولدی: بهره اجتماعیمز، نهضت، بهره فکریمز. بو تدقیقنامه لری برده بهره میا میز که تعقیباتمه سی محتلمدر. بورسائل اصلا خلفه خطاب ایتیمور. آنلرک احتوا ایتدیکی افکار و جیزه آنجق خواص طرفندن آکلاشیله بیلیر. بوفکرلر بلکه بر آز paradoxal — یعنی قناعت عمومی و جاریه مخالفدر. لکن، ایجه بیلیمش اولهلم که عامه، هر وقت طوغری بی کورمن. ملل واقوامک خطا ویا اعتباریات اوزرینه اتفاق ایتدکری. عدید و عنید امثله تاریخیه ایله مبرهندر. بورساله، اورتیه بر طاقم یکی — یاخود نامنتشر فکرلر قویور. بونلرک هیچ برنده ابتدال یوقدر. افکار مذ کوره — بعضلرینک ادعاسنه کوره — غربده رواج بولان — علی العاده — نظریات محافظه کارانه نلکده بر استنساخندن عبارت عد ایله ملیدر؛ چونکه، موضوع محاضره اولان مسائل هپ بزه متعلق و عائددر.

اوت! بر بحران فکری حکمفرما. بو، بارز و ظاهر بر بداهتدر. افکارده بر توازن، آراده بر اطراد هنوز یوق. اودرجه ده که بوکون بر فکری، — یک ایلری به کیدرک مدافعه ایتلر، یارین آندقدن قولایقله واز کچورلر. عمده لری اوزرندن هنوز قرون و بطون صرورایتمه مش، نظریه لر، روز کارلره، مودایه، خاطره و کواکه، صحیفه لری یکی کسلمش بر کتابک مطالعه سریع سنه ابتناء، عادتا بر فیرلداق کی دونیور، دکیشیور.

تدقیق و تتبعده اصول جیده سی داخلنده اولیور. نا کافی بر حوله عرفانی ایله قناعت ایتدیوروز.

بر قضیه نك صغری و کبراسنی بوله دن هان مقایسه کیریشورز . بوندن خایت مغفل نتیجه لر جیقیوره
 « بحران فکریمز » مؤلف ، تصلفه ، کوره نکه ، تقرر ایتش ویا بین العوام اعتبار بولش نظریه لره
 قولاق آصمه دن شو مرضی تشخیص ایتک تجربه سنده بولونیور ؛ و ، اول باول بزه بر انموذج
 Type = کشف ایدیور : غرب پرست . بونک امثالی کثیردر . بناء علیه غرب پرستلر بر صنف
 متفکرین بیه تفکیل ایتکده درلر . عقلمزه بر لفظ کلدی که بونلری لایقوله افاده ایدر . Snob ؛
 بو عديم الترجه کلله یی مؤلفک نظرگاه قبوله عرض ایلرز . « سنوبیزم » فرانسزجه شویله تعریف
 ایدیور :

[*] Admiration factice et sottie pour tout ce qui est en vogue,

بونک ضمننده و تحتنده درین و حیات بخش بر تتبع آراماییکنز . ترقی بزده عقده تأخره ، یا خود
 کسوفه او غرامش ؛ ویا غربده مدنیت آلیه مظهر انکشاف اولمش . بونک عمیق ولایعه اسبابی
 وار . او اسبابده قولای قولای و هر راست کلن طرفدن آکلاشیلاماز . حتی بزم ترقیاتنک
 گرفتار عوق و تأخر اوله سنی اوروپا لیلرده بیلمز . چونکه آنلر ، کندی وسائط و اصول
 تفحصیه لرله مجهز اوله رق کلوب بزى عریض و عمیق تحقیق و تدقیق ایتمه مشلدر . روحزدن خبردار
 دکلدلر . خصوصیاتى غافل ، ماضیمزى جاهلدرلر . بزى بونلرک تدقیق و تتبع اصولرینه اعتراض
 ایتیمورز . حاشا . فقط شونی ادعا ایده بیلیرز که کندیلری بو اصوللری حالا بزم خقمزده تطبیق
 ایتمه مشلدر .

غرب فروشلر « ملتک مقدراته هر نوع مراقبه و رقابتدن آزاده بر تأثیر اجرا ایتکده درلر .
 ایسته ، مؤلف ، بحرانک منشائی بوراده یا قالیور . « بومقندن - شو سوزلر رساله دن مقتبسدر -
 ایضاح و اثبات ایده مدیکى ایچون اتهام ، آکلایه مدینى ایچون انکار ایلر . موجود و واقعی بیلمزده
 نصل اولق ایجاب ایده جکنى او کریمک ادعا سنده بولونیور . « فی الواقع کری قالدق . لکن ایچون؟
 بر سطحی نظر ، اوروپایه احاله بصرله اوراده کی ظواهرى بوراده کی نواقصه سربما مقایسه ایدرک
 درحال - ایسته ، کری قالدق و چونکه ... دیر . لکن ظواهرک آلتنده مستتر و محتجب نیجه
 دقائق و حتی حقائق وار! [قوپه رنیک] کلنجه به قدر کونش دور . ایدیور ، ارض یرنده صایوردی .
 عقل و حس ایچون بوندن بدیهی برشی اوله مازدی . لکن لهلی راصد جیقدی ؛ [بطلمیوس] ی
 اریکه تفرعنندن ایندیردی . حقیقت قولایلقله قابل کشف دکلدر . بعض خرده حقائق بر انسان
 بر ملت ، بر عصر بیه کشف ایده من ؛ کشف ایتسه ده آنی قبول ایتدیرمکه موفق اوله ماز .
 [قوپه رنیک] نظریه سنی قدمادن بر قاچی و مثلاً مشهور [آریستارکیس] کشف ایتشیدی ؛ لکن ،
 عجباً ، آنی بشریت معاصره سینه قبول ایتدیره بیلمش می ایدی؟ ..

بونک کی غرب فروشلرک ادعا و اجتهاداتی ده اساسی بر تدقیقه مستند دکلدر ؛ فکرنده یز .
 غرب فروش شخصیتی ، اسمنی ، اقامتگاهنی اونوتیور .. بر سائر - یا خود ، متفکر فی المنام اولیور .
 غرب فروش ، عادتا ، بر قره سودایه گرفتاردر ؛ و ، غریبدرکه مرضنک ایل عالمه سرایتی ده آرزو
 ایدیور : « سلامت ملیه یی ، آنجق کندیسنک دوچار اولدینی بو ابتلاى مرضی یی مملکته سرایت
 ایتدیرمکه کوریور و ترقی و تعالی نامنه وجدان و افکارده انواع بحرانلر تولید ایدرک ، مملکتی مظلم

[*] « رواج و اعتبارده بولونانی هر شیئی ایچون صنعی و بلید بر حیرت و عجب ایدر » .

مجهولاته طوغری سور و کلیوب کوتوریور . « بوجه دن ایکی حقیقت چقاره بیلیرز: اولاغربفروش لزومی هرجه ده (واقف) دکلدر ؛ شرقی اهل ایتشدر ؛ غربک لدنیات تکاملنی ، روحیات ترقیسنی determinisme نی آراشدیر مامشدر ؛

ثانیا — بزده اسکی عمده لر بر آز کهوشه مشدر که میدانه بویله برغربفروش طبقه سی چقیور . اکر او یله اولسه ایدی طبقه مشارالیه ظهور ایتزدی . حویناتک نشو و نما سی ایچون البته بر محیط مساعد ، متعین بر نسج عضوی لازم . ایشته ، فکر مزجه ، بوجهتک تدقیق کرکدر . « ثانیا » اشارتیه قیدایتدیکنز جهتک تبعی « بحران فکریمن » ک مؤلف حکیمندن رجا ایدرز . مرض فکری واجتماعی ایشته بو سایه فئیده تشخیصه مظهر اوله جقدر .

[شوراجقده بر استطراده مساعده بیورولسون : نشان عصر دن بری غریب بر تجلی تکامله مظهر اولان ژاپونیا تک تدقیق احوالی بزنی بعض نقاطده ارشاد ایدر . ژاپونیا ، آلیات غربیه نی — اولدینی کی — تلقی بالقبول ایتدی . لکن ، بو هیئت و ملت ، رنک خصوصیتنی محافظه ده بیوک بر صلابت و عصیت کوستریور ؛ عناد و تعصبه شبیه بر ثبات ارائه ایتیکده در . دها ایلری یه کیده لم : کوچک [جهت] لر ظن و ادعا ایدیورلر که آلیاتی اقتباسده کی موقیتلری ، طوغریدن طوغری یه عنعنه لر نی محافظه ده فرط غیرت کوسترمه لری ایله حاصل اولشدر . یعنی ژاپونلر کورمشلر و دوشونمشلر که ملیتک محافظه سی ، اعدایه قارشى مدافعه سی و دولتک تقویه سی لازم . آنجق بو مقصده بو آدم لر آلیات افرنجیه نی اقتباسده اضطرار و کندیلری ایچون فائده کورمشلر و اقتباس ایتشلر . سائق بودر . اقتباسدن مقصد ملیتی وقایه و مدافعه در . ژاپون رجال متأخره سی قدیم و قوم عمده لری ، روح ماضی نی ، عنعناتی ، حتی مادیاته متفرع بلکه کولونج ، ابتدائی ، بعضاً مضر عادات قدیمه نی ، و — عجیبدر ! — کتابتده عددی بیکره واران اشکال افکار Ideograph (یعنی هیهروغلیف) لری حالیه محافظه و تزید ایتشدر . بزده موانع ترقی عد ایدیلن بر جوق شیلر ، اوراده سوائی تکامل صره سنه کیرمشدر .

بر مقتدر قبودان ، اکی مخالف روز کارلردن و آقیندیلردن استفاده ایدرک کمیسنی قورتاردینی و ایلریلندیکی کی (شمس شارق) ویا (مملکت ازهار) ک رجالی ده ملتده کی قوایی ، آلتک آلیاتی اقتباس ایتمه سی و بناء علیه نائل رفاهیت اولمه سی ایچون حسن استعمال ایتشدر . بو ترقینک تاریخچه سی بزم ایچون واجب المطالعهدر . غربفروش مسلکنی اساسی بر صورتده رخنه دار ایتک قابلیتندده اولان نتایج بو مطالعه دن استخراج ایدیله بیلیر . کنج بر محررض ، سامی زاده ثریا بک ، بالذات ژاپونیا یه قدر کیدرک بوجهتلی تدقیق ایتش و نتیجه اجتهاداتنی کچن کون باصیلان [دای نیپون = بیوک ژاپونیا] عنوانی رساله سنده تدبیر ایتشدر . مطالعه سنی ارباب فکرتیه توصیه ایدرز . مجموعه ض ، بو مسئله حقنده انظار دقتی جلب ایتک ایسته دیکیندن بو ملتک اسباب استعلاسنه دأثر بعض فقرات مهمه نی ترجمه ایتدیروب کارلرینه تقدیم ایده جکدر .]

صده دونه لم : غربفروشلقی مسلکی حیللی شکلندن اوراق اوزره افلاس تام و کلی حالنده در . چونکه ، بو مسلک ظهور ایتدیکی کوندن بری بر خیری استلزام ایتدی . اصل ایش ، غربک اسباب ترقیاتی تدقیق ایتکدر ؛ یوقسه ، ساده جه آنی تقلید و تمسک ایلک دکل . اوراده عرق ، محیط ، زمین ، زمان ، ایجابات سیاسی ، سوائی دینی ، ماضی ، اعتیادات ، اعتقادات بشقه ؛ بوراده ایسه بتون بتون بشقه در . میلیونلرجه عناصر و عوامل اجتماع ایتشده میدانه غرب هیئت

حاضره سی گلش . بتون بو عناصر و عواملک بر دها طوپالانوب بر تیارو او یونی تکرار ایدله سی قیلندن ، بر دفعه ده بوراده صحنه یه قونعه سی عدم الامکاندر . غربفروشلقدن بر نتیجه چیقمامسی مسلکک بطلاننه کافی بر بره اندر . غربفروشلری ، غربک اسرار تکاملنی بیلیمه مکله اتهام ایده بیلیرزه . بونلر غربه باقیورلر ، لکن آنی کورمیورلر . غربه نکران اولیورلر ، شو قدر که آنی آکلامیورلر . بونلر کلین متحرینی - کوروجی - لره نظیردرلر ؛ کوروجیلر ساده جه کورورلر ، لکن بیلمزلر ، آکلامازلر . کان کاشلی ، حقه آغزلی ، کراز دوداقلی ، اینجی دیملی قیزک عجباً اخلاقی ، سبجیه سی ، ذکاسی نه مرتبه ده در ؟ فلیحرر .

آره مزده هانکی غربفروش اقالیم غربیه یی کوردی و آکلادی ؟ بر آمریقائی [امه رسون] ، بوندن نشان عصر اول انگلتره یه اولان ایکی و قیصه سیاحتده ، بو ملتک غوامض روحیه سنی ، و English traits نام اثرنده ، انگلیز مزاجنک استقبالده بر محاربه عمومی یی تولید ایده جکنی کشف ایدیور . بزم هانکی غرب پرستمز بو قدر بر تدقیقده بولوندی که ادعاسنه بر اهمیت و فضیلت عطف ایدلم و سوزینی دیکایه لم ؟ اوت ، محرر حکیمک دیدیکی کی بو ، موجود ایله واقعی بیلمزده نصل اولیق ایجاب ایده جکنی او کرتمک دعوی و ادعاسنده اصرار ایدر . بوکا نادانی مرکب دیرلر . بو حال بر ریب و کانی ، بر محرومیت روحیه یی ، بر تردد آلمی ، بر مرض بر بدبینلکی ، ضعف ارادتی ، فلیج عزمی ، کسر جلاقتی تولید ایدیور .

ایشته ، « بحران فکریمز » ، ایلك صحیفه لرنده بومسائله تماس ایتکده در . بو رساله جک تفکر و مباحثه یه ، تأمل و مناقشه یه سائقدر . آنک تنقید و مؤاخذه سی احوال روحیه مزاک توضیح و انکشافنه بادی اولور . اجمالاً مزده بو وظیفه یی ایفاده قصور ایتیه جکز . غربفروشلر روح ملتی اونوتمشلر در . [لوبون] حکیم دیور که : « عقلاً بدیهی البطلان اولان عمده لک ، بعضاً ، حقائق مثبتهدن دها قوتلی اولدقلرینی اونو تورشوق بر ملتی اداره ایتک محال اولور . »

شیمدی یه دکن ظاهره عطف اعتبار ایدلای . بو قدری ، کوریورز که کفایت ایتیمور . بوندن بویه بر آزده حفریات روحیه ده بولونه لم . کز ، مخفیدر .

بهرل فوری

در شهوار سلطان

[ذی روح بر شعر ، جانی بر میناتور ، قیز و چوجق شکلنه تمثیل ایتمش بر « صونه » و یا غزل ، متجسد بر خیال رسامانه ، بر آهنگ بدیعی ... ایشته بو ، هنوز اوچ یاشنده ، ظریف و لطیف ، نبیل و نجیب بر سلطانمز ، مینی مینی (در شهوار) سلطان حضرتلریدر . استاد مغفور سامی ، سلطان معصوم حقنده . بالدها ابراد ایتدیکی بر قطعه یی وساطت عاجزانه ماه پدرلری عبدالمجید افندمز حضرتلرینه تقدیم ایتدیر مشلردی . آره دن بر ایکی کون کچمدی ، شاعر وفات